

blizu Lječilišnog doma. To je otvoreno hladno kupatilo sa 116 modernih udobnih kabina, koje su građene na vodi. Kupatilo je snabdjeveno prskalicama s arteskom vodom i ležištima za sunčanje. Dno jezera je pjeskovito. Ovo kupatilo je osobito pogodno za goste, kojima se ne sviđa vreva na žalu i koji se zanimaju sportom na vodi.

Na istočnoj obali jezera nalazi se Kupalište na žalu (Štrand kupatilo) s preko 600 kabina. Žal se prostire obalom jezera, u dužini od približno 500 m. Jezersko je dno pjeskovito, a dubina vode raste polagano, te je ovo mjesto veoma pogodno za neplivače i za djecu. Na žalu ima gimnastičkih sprava, klizaljka. Vožnje čamcima itd. Teniska igrališta. Kino pretstave, dancing.

Zabave: Kupališna muzika, radio, igranke, kermesi (sajmovi), čitaonica, različni sportovi na vodi: pecanje ribe, veslanje vožnja motornim čamcima, jedrenje itd.

Sezona traje od 1 maja do 1 septembra. Kupališni liječnik i drugi liječnici. Glavna sezona je od 15 juna do 15 augusta.

Kupalište Palić ima umjereno, ugodno i zdravo podneblie. Ugodnost podneblja na Paliću najbolje cijene sportaši, koji već na kraju mjeseca marta počinju da jedre i veslaju, a na koncu aprila počinju se i kupati i plivati. Pri svršetku mjeseca maja je kupališna sezona već u punom jeku.

Tramvajska veza s gradom svakih 15 minuta (8 km). Palić ima i željezničku stanicu u neposrednoj blizini Velikog Parka.

Posjetioci kupališta Palića, ako ovdje provedu najmanje 10 dana, dobivaju na povratku povlasticu u vožnji 50% od normalnih cijena. Ako taj minimalni boravak puta pada u mjesec: oktobar, novembar, mart, april, ili maj, povlastica na povratku iznosi 75%. Povlastica vrijedi samo, ako putnik na dolasku plati normalnu cijenu kojega god razreda i koje god vrste voza (vlaka).

Obavještenja: Uprava kupališta Palić kod Subotice.

Hoteli: Novi Hotel, Stari Hotel, Hotel Nadaš, i stanovi u priv. ljetnikovcima. Gostionica: Mala gostiona.



Palić

Kupalište

Bains

Bad